

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRAČANICA  
OPĆINSKI NAČELNIK

Broj: 02-28-1299-9/2015  
Gračanica, 10.07.2015. godine

Na osnovu člana 70. Zakona o javnim nabavkama ("Sl. glasnik BiH", broj: 39/14) i člana 36. Statuta Općine Gračanica-Prečišćeni tekst ("Sl. glasnik Općine Gračanica", broj:4/09), Općinski Načelnik d o n o s i

**O D L U K U**  
o rezultatima postupka javne nabavke

"RAIFFEISEN BANK" DD BiH, kao odabranom ponuđaču čija je ponuda ocijenjena kao najpovoljnija, dodjeljuje se ugovor za: "Nabavka usluga za odabir banke za kreditno zaduženje Općine Gračanica za realizaciju kapitalnih projekata na području Općine Gračanica u 2015. godini"

**O b r a z l o ž e n j e**

U javnoj nabavci koja je provedena po otvorenom postupku; evidencijski broj nabavke: 02-28-1299-3/2015, broj obavještenja o nabavci sa Portala javnih nabavki: 720-1-2-4-3-3/15 od 07.05.2015.godine za nabavku: "Nabavka usluga za odabir banke za kreditno zaduženje Općine Gračanica za realizaciju kapitalnih projekata na području Općine Gračanica u 2015. godini",

prijavila su se četiri ponuđača što je vidljivo iz Zapisnika sa otvaranja ponuda i to: "INTESA SANPAOLO BANKA" DD BiH, "NLB BANKA" DD Tuzla, "RAIFFEISEN BANK" DD BiH i "UNICREDIT BANK" DD Mostar.

Komisija je na zatvorenom sastanku izvršila pregled formalne i tehničke usklađenosti ponuda i zaključila da sve pristigle ponude ne zadovoljavaju sve formalne uslove i uslove tehničke usklađenosti, odnosno formalno i/ili tehnički nisu prihvatljive, a to je ponuda ponuđača "NLB BANKA" DD Tuzla. Razlozi isključenja ponude ovog ponuđača su jasno precizirani Zapisnikom sa zatvorenog o ispitivanju i analizi ponuda, broj: 02-28-1299-9/2015 od 02.07.-10.07.2015. godine, a koji čini sastavni dio ove Odluke.

Ponude ponuđača "INTESA SANPAOLO BANKA" DD BiH, "RAIFFEISEN BANK" DD BiH i "UNICREDIT BANK" DD Mostar u potpunosti zadovoljavaju sve formalne i uslove tehničke usklađenosti, odnosno tehnički su prihvatljive i dostavili su sve tražene dokumente. Ponuda "RAIFFEISEN BANK" DD BiH ocijenjena je kao najuspješnija-najpovoljnija, jer je za nabavku: "Nabavka usluga za odabir banke za kreditno zaduženje Općine Gračanica za realizaciju kapitalnih projekata na području Općine Gračanica u 2015. godini", ponuđena najniža cijena, u iznosu od **90.758,67 KM (3,77% kamata)**.

Izabrani ponuđač "RAIFFEISEN BANK" DD BiH obavezan je u roku od 10 (deset) dana od dana dostave Odluke o izboru dostaviti slijedeće dokumente:

Kako je tačkom 12. tenderske dokumentacije navedeno da je kandidat/ponuđač koji bude odabran kao najbolji u ovom postupku javne nabavke dužan dostaviti slijedeće dokaze u svrhu dokazivanja činjenica potvrđenih u izjavi:

- a) *izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;*
- b) *izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku jeobustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;*
- c) *potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.*
- d) *potvrde nadležne/ih institucija o uredno izmirenim obavezama po osnovu direktnih i indirektnih poreza.*

*U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalificiran u ovom postupku javne nabavke.*

*Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 10 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.*

Pod Općim uslovima tenderske dokumentacije, navedeno je, između ostalog da:

**ANUITETNI PLAN MORA SADRŽAVATI TAČNO 48 MJESECI (UKLJUČEN I GREJS PERIOD OD 5 MJESECI), PRVIH 5 MJESECI UGOVORNI ORGAN PLAĆA SAMO KAMATU NA UKUPAN IZNOS KREDITA, ŠTO ĆE SE PRIKAZATI U DOSTAVLJENOM ANUITETNOM PLANU, A OSTALIH 43 MJESECA POČINJE OTPLATA GLAVNICE (OBROCI + KAMATE) NA JEDNAKE MJESEČNE ANUITETE.**

te je potrebno da se isti dostavi u ostavljenom roku od 10 dana od dana zaprimanja obavještenja o rezultatima ovog postupka javne nabavke.

Ponuđač "RAIFFEISEN BANK" DD BiH čija je ponuda najpovoljnija u skladu sa kriterijumom „najniže cijene“, tj. kamate i s kojim će se sklopiti ugovor za predmetne usluge, biće u obavezi da dostavi tražene dokumente prije sklapanja ugovora, uz napomenu da datum izdavanja navedenih uvjerenja ne smije biti stariji od tri mjeseca u odnosu na datum dostavljanja ponude.

UPUTA O PRAVNOJ ZAŠTITI:

Protiv ove Odluke može se u roku od 10 (deset) dana od dana prijema Odluke izjaviti žalba. U skladu sa članom 99., stav 1. Zakona o javnim nabavkama, Žalba se izjavljuje ugovornom organu u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom.

Dostavljeno:

“INTESA SANPAOLO BANKA” DD BiH,

“NLB BANKA” DD Tuzla,

“RAIFFEISEN BANK” DD BiH,

“UNICREDIT BANK” DD Mostar,

a/a

OPĆINSKI NAČELNIK

**Nusret Helić**